



Mbawgeiz Daegsaek Mbin Ciengxlwenx

特色旗帜永飘扬

——Gij Fwen Cingsenj Senhconz Dangj Raeuz Ngeihcib Daih Cingsaenz

——宣传党的二十大精神山歌精选

□ Cinz Siengzcouh / 覃祥周

Bouxminz Minzcuj Goek Daengz Byai 人民民主全过程

Bouxminz danggya ndaej guhcij(cawj),
Cidu dijhi ceiq habsim;
Cungfaen fazveih naengzdoenghsing,
Diuqdoengh bouxminz rengz haicaux.

Bouxminz minzcuj goek daengz byai
Hawj vunz sim hai gangj vah swenz;
Bouxminz eiqnyienh ndaej daejyienh,
Bouxminz gangj sienh youh gangj caen.

Gunghnungz lenzmungz ceiq habhoz,
Bozsoz cidu siu bae mbwn;
Bouxminz minzcuj daeuj conhcwng,
Dangj raeuz caencingq vih bouxminz.

Minzcuj senjgij yawj simswh,
Minzcuj gezcwz gangj vahbengz;
Minzcuj gvanjlij doengz okrengz,
Minzcuj genhduz daeuj yungh gienz.

Daegsaek Cungguk cix ndei lai,
Seiq gaiq neiyungz ak dangqmaz;
Bouxminz miz gienz daeuj camgya,
Nda gvangq sizcenj lij miz dieg.

Gwnzmbwn ndaundeiq heux ronghndwen,
Vahoengz buenx mbaw youq biengzdih(deih);
Cukmaenh minghyinh gungdungzdij,
Lij guh minzcuz daih doxgiet.

Minzcuj cidu miz baujcan,
Diuzloh hai gvangq lai miz rengz;
Lai dieg lai caengz cix lai bengz,
Gunghvei fulenz gungcinghdonz.

Saedhengz lai dangj daeuj hozcoz,
Dungjean gunghcoz gwgiz daih;
Vid gen hwnjdaej guh dahraix,
Minzcuz giengzdaih ndaej fukhwng.

Cienzmienh Eifap Daeuj Ceihguk 全面依法来治国

Eifap ceihguk onj byadah,
Daengxbiengz gwnzlaj lumj buenz geiz;
Eiciuq yenfaz maenh mbouj beij,
Ciengz ceih cij ndaej onj bae nanz.

Genhciz Cungguk loh daegsaek,
Fapceih hwnjmbaek byaij daih loh;
Eifap hingzcwng guh ndei soh,
Lumj ci ciuq loh hwnj gauhsuz.

Miz fap couh yaek ciuq fap hengz,
Caep fap aeu yiemz famh cix loih;
Lwgvuengz caeuq minz doengz famhcoih,
Ciuqyiengh deng loih mbouj gangj ndwi.

Gohyoza laebfap ceiq youqgaenj,
Yunghrengz doicaenh daeuj saedhengz;
Cwngfuj ciznaengz yaek cienjbienq,
Saedyienh yauqlwd rengzgoengsaenq.

Ceih guk onj biengz fazciva,
Couh dwg yenfaz ceiq youqgaenj;
Lumjbaenz mwhgonq vahmiengmaenj,
Vugungh aij(yienznaeuz) haenq mbouj miz yungh.

Doeksaed shwfaz cwzyinci,
Dingh miz cosih guh coihgaij;
Fapceih gensez yaek gyavaiq,
Saehcingz gaiqgaiq cij guh baenz.

Faplwd gvanhnen yaek miz caen,
Fapceih cingsaenz yaek hengz ndei;
Daengx biengz bouxminz daeuj hanvei(soujndei),
Guekgia youq ndei minz cij onj.

Swhfaz goengbingz caeuq cwngyi,
Yenfaz cix ndi(ndei) lumj gaiq cik;
Lumj caenghgoengbingz ceiq cix lik(lengi),
Mbouj hawj de mbit saek di nauq.

Vwnzva Gagsaenq Youh Gaggiengz 文化自信又自强

Vwnzva gagsaenq youh gaggiengz,
Vwnzva loh riengz roencingq byaij;
Vwnzva hoenghvuengh vunz ceiq maij,
Vwnzva giengzdaih guk cij hwng.

Nezwj sij ok cozbij ndei,
Sawj vunz gyaez guk youh gyaez ranz;
Heuhsingj gunghnungz cienbak fanh,
Bouxbox sim van bae hoenxciegg.

Hai duj va ndeu mbouj dwg cin,
Bak va hai rim cij ndeimaij;
Yaengx sang mbawgeiz riengz dangj byaij,
Vwnzva daihdaih ndaej fukhwng.

Beijfwen Guengjsae ceiq doengh vunz,
Beij hingq hab'unq eiqsei doh;
Feihyiz vwnzva yaek baujhoh,
Conzdungj doxhoq(gaiq) yaek swnjcienz.

Beijfwen vwnzva yaek fazcanj,
Mbouj dwg bak gangj gwnzceij raiz;
Haenqrengz ra loh guh dahraix,
Mbouj ndaej ngedngaih nguh seizgan.

Cienzboq Cungguk singyaem ndei,
Yinhyoz dawz bae dang gaiqdingj;
Beijfwen cap hwnj diuzfwed gim,
Hix ndaej hwnj mbin bae gwnzfwj.

Ngoenzneix byaij haeuj seizdaih moq,
Sim gyaez gukcoj yiengq daengzcog;
Gujli lai miz cozbij ok,
Buet hwnj gozci daih vujdaiz.

Cungguk gojgaeq yaek gangj ndei,
Daujyang seizseiz mbouj doenghyiuz;
Fwen doj hix ciengq singyaem biu,
Vah doj hix riuz bae fanhleix.